



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Jesus Passus Per Centuriam  
Modorum Meditandi passionem Salvatoris nostri illustratus; cui  
accesserunt Meditationes In Passionem Domini XLVI. - Juxta numerum  
dierum Quadragesimæ

**Druzbicki, Kaspar**

**Ingolstadii, 1732**

**VD18 90066405**

99. Considerando Passionem Domini advertendo in ea quodammodo  
fuisse quatuor Anni tempora. Ver, Æstatem, Autumnum, Hyemem.

**urn:nbn:de:hbz:466:1-45427**

## MODUS XCIX.

**N**onagesimus nonus meditando Passionem Domini nostri Modus esse poterit; Comparando Passionem Christi, quatuor temporibus anni communis. nempe Veri, Æstati, Autumno, Hyemi. Non est enim insolens apud Sanctos Patres atque interpretes, totam Redemptionis nostræ seriem, atque ad eò historiam contemplari in Cosmopœia: itemque Incarnati VERBI mysterium opusque universum, agnoscere in umbratum conditione visibilis & naturalis mundi: ipsa quoque temporum in hoc universo discrimina, in salutis nostræ Authore, operibusque illius cognoscere. Particulam ergo hujusce contemplationis rudiusculè & pro capto nostro sectando, licebit meditando vestigare quatuor ista vulgaris Anni tempora, per similitudinem mysticam, tam in vita, quam præcipuè specialiterque in Passione Domini.

Ac Primò, nihil vetat Exordiis vitæ Christi Hyemem attribuere: cum constet revera hyemem mundi, fuisse Natali Domini nostri in mundum destinatum, Christumque de facto hyemali tempore in mundum hunc nascendo prodiiisse. Erat verò tunc simul hyems altera rigidior longè, atque immifior, quando nimirum toto terrarum orbe, universum humanum genus, in rigidissimum Idololatriæ & Ignorantiæ Dei gelu concreverat; tota filiorum Adæ progenies, in sævillimam simul ac sterilissimam brumam, vitiosissimæ ac profligantissimæ universim vitæ abierat. Omnes declinaverant, omnes inutiles facti erant. Non erat qui faceret bonum, non erat

Xx 3

usque

SPURZ  
Ki  
ascet  
lis III  
V  
8

usque ad unum. Ipsa quin etiam Judæa gens, in qua sola notus utcunque Deus, & manifestatio legis ac judiciorum, voluntatemque ejus remanebat, vix exiguis, iisque multum depravatis partibus, veræ pietatis ac religionis tenorem residuum habebat. Quam pigrum frigus tenuerit illum ipsum Dei licet populum, hinc satis constat, quia & appropinquantis Messie adventus, à Prophetis sibi prænuntiatum tempus custodire neglexit, & jam venientem, atque adeò natum eundem, quem Orientalibus Magis, pane digno in Bethleem ostendebant, ipsi tamen cognoscere, adire, venerari neglexerunt. Talis & illa hyems in Populo Judaico fuit, quæ primos Martyrum flores, tanquam in medio frigore infidelitatis exortos, velut primas erumpentes Ecclesiæ gemmas, persequentibus cum Herode ascellis ejus, Animamque Nati Pueri Salvatoris ac sui Regis quærentibus, vecorde pruina decoxit. Ipsum verò Christum eadem crudelitatis velut hyemis asperitas, in exilium Ægyptiacum, mediâ nocte compulit. Postquam rediens Angelus, reditumque in terram Israel indicens ait. *Vadite terram Israel: defuncti sunt enim, qui querebant animam pueri.* quod fuit dicere. *Jam hyems transiit, imber abiit, & recessit.* Denique vita ad Annum trigessimum usque Domini abscondita, quid aliud, nisi veluti hyemali frigore arctata, & occulta fuit?

Vitam Domini nostri ab anno trigesimo, temporis Verno assimilare libet. Tunc enim Dominus noster exiit tanquam qui seminat seminare semen suum: tunc exiit conducere operarios in vineam suam, tunc (inquam) cepit circuire vicos

G: ~~Z~~  
 Bic  
 opere  
 Tom  
 N  
 5

Vicos, Castella, Civitates, & prædicare illis Evangelium Regni cœlestis, promulgare populis legem vitæ, atque disciplinæ salutaris & non solvere legem, sed adimplere. Tunc pertransiit ad pœnitentiam adhortando, ab inolitis vitiis dehortando, ad novitatem vitæ vocando, viam Dei in veritate, & mansuetudine docendo, & simul benefaciendo, sanando etiam omnes languores, omnesque oppressos à diabolo, usque dum aliquanti flores apparerent in terra, usque dum regiones albescere jam inciperent ad messem, usque dum partim Apostolorum, partim discipulorum, partim cæterorum fidelium, aliquantulus exstaret numerus, obstrepente invidiâ: *Ecce mundus totus post eum abiit.*

Passionem Domini Nostri: Æstivum tempus cogitemus. In Passione enim sua Christus, Justitiæ ac Misericordiæ Charitatisque suæ, ad summum usque intendit æstum, & in Auge planè solem suum evexit, super bonos & malos, super Justos & Injustos. An non æstas fuit, omnique æstu major æstus ille, quo Dominus Desiderio desideravit Pascha manducare cum discipulis antequam pateretur? Non æstas erat, quando Dominus cum dilexisset suos qui erant in mundo, usque in finem dilexit eos? Non erat æstas & æstus, quando Dominus à mensa surgens, vestimenta deposuit tanquam calore exundans, & aquâ in pelvim effusâ, lavit pedes discipulorum ad eos abjectus, & veluti ab humano humilive loco refrigerium captans? Non æstas erat in corde Boni JESU, quando instituto Sacrificio atque Sacramento mirabili, corporis & Sanguinis, quidquid potuit, quidquid in omni

51. 112

xi

28. 111

115 III

V

8

substantia sua habuit, totum cogente charitate profudit pro dilectione? Non estas, aut non æstus ardorque fuit, quando longissimum ideoque suavissimum illum Charitatis, sermonem? anardorem? eructavit ipsa illa, quæ ex Deo est, Christi, seu potius, Christus charitas? Fuitne illa æstus & æstus, quando ingressus hortum, montemque myrrhæ, messuit myrrham suam, avulsus à discipulis, & prolixius orans, stratus super terram; ut nimirum calefaceret eam, refrigeraret autem, ab ea factus in agonia, factus quoque est sudor ejus sicut guttæ sanguinis decurrentis in terram? Æstusne ille fuit, quo percitus processit obviam hostibus, & Judam proditorem amicitia & osculo dignatus, prostratosque hostes verbo suo, mox erexit, & ad sua vincula admisit? Pergat hunc in modum anima devota per totum Passionis JESU tractum, & æstum æstatemque charitatis ejus in singulis passibus periodisque contempletur, admiretur, veneretur, bibat, eoque deebrietur. Inveniet enim, per singula momenta, Charitatem JESU æstuantiorē magis magisque fuisse, & de JESU victo victoque suo impotentiùs triumphasse, usque dum in vertice Calvario, supra trabem crucis elevatum, & undique dilectionis notis spectandum, ejusdemque clavis cruci affixum, toti cælo, totique terræ conspiciendum dedit, quosque, & quantos agere de JESU amatore triumphos sibi licuisset, & exultabunda, atque gloriabunda, non tantum non verecundaretur, verum etiam superbiret, & trophæa statueret, spoliaque detraheret, ac dispertiret: dicens. *Hæc est præda charitatis David; accipite de benedictionibus ejus.*  
Pater

g: ~~2~~  
Bic  
oper:  
Tom  
N  
5

Pater quidem Æternus Animam, Joannes Matrem, Lathro Paradyfum, Crucifixores Veniam, Centurio Fidem, Spectatores Pœnitentiam, Milites vestimenta, Mortui vitam, Arimathæus Corpus, Cælum Pacem, Mundus Restaurationem, Genus Humanum salutem, Captivi Patrum Spiritus Libertatem, & simul Æternæ Beatitudinis Possessionem.

Ubicunque steterunt pedes Jesu, ubique Charitas ejus reliquit signa ardoris sui, æstus sui, violentiæ atque victoriæ suæ. Ubicunque comparuit Amator Jesus, ibi messuit Myrrham primam, ibi botros racemavit, ibi torcula redundantia vino calcavit, ibi opobalsamum sudavit, ibi ascendit in Palmam & fructus ejus apprehendit, ibi Rex Pacificus, magnificatus est vehementer, & apparuit diademate coronatus, ut in die desponsationis & lætitiæ cordis sui, propter filias Hierusalem.

Unde si cogites, aut contempleris Agoniam & sanguinei sudoris balneas, siue vincula & catenas & verbera, siue furiosas raptationes, siue alapas, colaphos, vulsiones, consputationes; percussiones, siue adjuramenta, falsa testimonia, contumelias, calumnias, opprobria, mendacia, insultationes; siue illusiones, siue Barabbas, siue calumnias, siue flagellationis araturas, siue spinarum aculeos, siue coronas & purpuras, & adorationes, & arundinea sceptrâ, siue unversorum populorum plena ad Crucis mortem suffragia, atque nonnisi perniciæ Christi explenda quieturaque odiorum studia, siue damnationis decreta, siue patibuli gestationem, siue sel & acetum, siue nuditatem & verecundiam, siue

Xx §

clavos

clavos & vulnera, & sanguinem & crucem: sive cum iniquis deputationem, & inter eos median- tem principatum, sive postrema linguarum ja- cula, venenata, & blasphemales injurias cruen- tificis plagis sæviores, sive sitim atque dereli- ctionem, sive hostium tanquam votis suis abun- dè potitorum pœnisque suis exsaturatorum vi- cttricem lætitiã, sive postremam omnium mor- tem atque sepulturam. Quidquid horum cogites nonnisi messem æstivam, æstuantis Charitate Jesu cogites: quàm ille demessit usque ad novissimam spicam, usque ad minutissimum granum, ad unicum acinum, atque uvam. Donec omnia horreis divinis illata, & in offici- nis Redemptionis condita, & famelicã sitibun- dâque charitatis ingluvie satiata atque saginata; ipsa demum, sciens quia consummata sunt om- nia, & nihilominus sitim suam testata, aceto- que gustato solata, *Consummatum est*, proclama- vit & denuntiavit.

Resurrectio Domini & quæ eam consecuta est multiplex apparitio, ac deinceps in celos Ascensio, quin & Spiritûs Sancti ad Ecclesiam missio, sessio ad Patris dexteram, & quæ mundi, quæ specialiter Ecclesiæ ad finem mundi dura- tura gubernatio, deputetur Autumno ejusque similitudini comparetur. Omnia enim illa quæ Resurgens ex mortuis Dominus egit, & agit, & acturus est, non tantum ad hujus sæculi finem, sed etiam toto illo futuro sæculo, quod nullum habebit finem, fructus sunt, & collectiones fru- ctuum sunt, quos terra nostra sanguineis labo- ribus Christi nostri culta, arata, seminata, plan- tata, rigata, fœcundata, ad incrementum & ma- turita-

g: ~~2~~  
 Bic  
 oper:  
 Tom  
 Ne  
 5 2

firmitatem provecta, dedit, & dat, & dabit Agri-  
colæ caelesti juxta illud. *Omnia poma, nova &  
vetera servavi tibi, Dilecte mi.* Omnia sunt vel  
fructus, vel merces laborum, meritorumque  
Christi, omnia sunt vel opera, vel propagines o-  
perum Christi, donec veniat ille absque fine finis:  
cum tradiderit Christus Regnum Deo & Patri, cum  
evacuaverit omnem principatum, & potestatem, &  
virtutem: quando & positos habebit inimicos suos  
sub pedibus suis: ut sit Deus omnia in omnibus.

Potest autem hæc ipsa Passionis Dominicæ  
comparatio ac meditatio, aliter paulo institui,  
secundum eadem Anni tempora: ut Passio in  
Horto, sit Veri similis: quæ apud Annam & Cai-  
pham, & totâ nocte gesta sunt, Æstatem refe-  
rant; quæ apud Herodem & Pilatum, Autumni  
similia sint. Quæ demum in cruce & Morte,  
Hyems quædam sint Passionis.

Ea quæ in Horto Passus est, ver quoddam  
erant. Præludia enim (estò acerbissima, & usque  
ad mortem, usq; ad sanguinem) præludia tamen  
& initia tantum dolorum fuerunt, omnia illa  
quibus Hortus Humanitatis Christi, cum suis ar-  
busculis, atque floribus præambulè arabatur,  
colebatur, seminabatur, rigabatur, ligabatur, cir-  
cumfodiebatur, transferebatur. Quæ ante ho-  
ram illam latebant in sola præscientia Domini  
omnium quæ ventura erant super eum: conclu-  
sa tanquam in necdum aperta ad germinandum  
humo; tunc pullulare cœperunt omnia, tunc  
enim cœpit Dominus JESUS pavere, tædere,  
contristari, & mœstus esse, tunc pavor mortis  
irruit super Animam justî nostri: tunc Oratio,  
tunc Calix inebrians, tunc Agonia, tunc Sudor  
sanguis-

51. 112:  
Ki  
28. 111  
115 III  
V  
3



sanguineus, tunc perfidiæ oscula, tunc Capti-  
tas & vincula venerunt super nostrum Samson.  
Tunc etiam ignita licet, abdita tamen aliquomo-  
do Charitas Christi efflorescere, & veluti vernare  
manifestius, & efficacius incipiebat, atque  
primos suos fructus Cælesti Patri offerendoli-  
babat.

Ea quæ Dominus Passus est in Annæ &  
Caiphæ domibus, Examina, Testimonia, Adju-  
rationes, Judicia, Damnationes, Mortis decreta,  
Conspirationes, Conspurationes, Velationes  
oculorum & faciei, Tusiones, Vellicationes,  
Alapæ, Colaphi, Palmæ, omnesque injuriæ no-  
ctis, inter fæces satellitum rabidorum, totusque  
ille nocturnus æstus potestatis tenebrarum, &  
furoris bullientis, odiique fervor, omnium, at  
præcipuè Principum, & Sacerdotum. Quo ita  
æstuabant, atque in tantam agebantur præcipita-  
banturque festinationem, contemnendi quam  
primùm, atq; ex vivis tollendi Christum, ut neq;  
coenandi, neque quiescendi sibi met spacium da-  
rent, sed eâdem unâque noctis parte traditus, ca-  
ptus, adductus, accusatus, examinatus, judica-  
tus, condemnatus, & nimirum tormentis (juxta  
illud, *contumelia & tormento irrogemus eum*) qua-  
stionibusque subjectus, illudendus, & affligen-  
dus totam per residuam noctem relictus est.  
Summo deinde mane coacto iterum Concilio,  
iterum ab universo damnatus, raptim Pilato Præ-  
sidi oblatus, traditus, summario accusatus, ca-  
lumniis obrutus, odiis fatigatus, ad mortem cru-  
cis omni iniquitatis conatu & studio postulatus,  
demumque adductus est. Revera Domine

*Apoc. 18. 9. Jesu æstuaverunt homines illi impii, æstu magno & blasphem-*

G: Z  
hic  
oper:  
Tom  
N  
S

blasphemaverunt nomen tuum: neque egerunt pœnitentiam, ut darent tibi gloriam. Sed & tu Domine Jesu toto cordis tui desiderio æstuabas patiendum, pro nostra salute, proque Patris tui Obedientia & Amore: ita ut ad ardores æstusque tuos odia inimicorum tuorum, tarda, & torpentia frigidaque prorsus essent, ut pœne assiduo malitiæ hostili, repetieris illud tuum. *Quod facis, fac citius.*

*Joh. 13. 27.*

Ea quæ exinde apud Pilatum, apudque Herodem, & rursus apud Pilatum, in ejusque Prætorio perpeffus est Dominus, quendam Autumnum videntur referre. Ex tunc enim cunctantiùs & quasi maturiùs acta videntur omnia. Expendit Præses Pilatus objecta, invenit, & testatus est nulla, ac soli tantummodo invidiæ & odio ferventia: reddidit testimonium innocentia, recusavit cognitionem iniquæ causæ, demum remisit ad forum dominumque suum, Galilæum Civem, ad Galilæum Regem. Ubi ita auditæ accusationes in Christum, ut tamen durius nihil statueretur in ejus sanguinem, & supplicium. Deinde gradatim supplicia processere, Barabbæ primum compositus, ac postpositus est, postea correptus flagellis, quasi pœnè dimittendus: tum actorea pars ad mitiorem partem trahi visa, vitam & sanguinem ne peteret. Nihil omiffum cunctationis ab Judice, quo minus ad sententiam feralem accederet. Nihil non maturè, sedate, absque æstu, & rabie, denique lotis manibus ad ultimum decretum accessum est. Et inter hæc bonus quoque JESUS, tanquam vitis fructifera, & botris onusta vinoque redundans apparuit, vindemiam fecit, torcular

tular calcavit solus, mustum sanguinis per flagella, & verbera expressit. Spinis etiam confixus & punctus, tanquam ad uberiorem, dulciorremque gustui fructum & saporem, & medicinam. Postremo per omnia perfectus vir & Rex dolorum apparuit purpuratus, & coronatus, dolore, & ignominia, donec ad desideratissimum regni thronum duceretur.

Hyems Passionis Domini Nostri fuit, gestorum & tolerantium circa crucem, & in cruce, usque ad mortem series: tanquam in hyeme delapsa excelsaque sunt ex Arbore Christo, ipsa etiam folia, etiam vestimenta. Ipsi quoque noti & amici recesserunt, & foras fugerunt: consolator quaesitus, nec inventus. Pater ipse Aeternus inter derelictores esse voluit, deseruitque Filium uteri sui. Obscuratus est Sol, Luna non dedit lumen suum, Angeli pacis amare flebant; terra mota, petra scissae, monumenta aperta, Sancta Sanctorum scisso velo patuerunt. Ad extremum horror hyemis, & gelu mortis invasit Dominum, inclinato Capite tradere coegit Spiritum, & rigentem gelidumque inclusit sepulchro, & insuper obruit grandi lapide advoluto. Et quam hyemis rigidior hyeme mortis, hyeme sepulchri;

O utinam in nobis Christianis efflorescant tandem tandem flores bonarum mentium, atque voluntatum, Sanctorum, & Deo placitorum desideriorum.

Utinam aestuemus vera & germana in Deum eiusque voluntatem, & gloriam, charitate; ut Christo in carne Passio, & nos eadem cogitatione armati, indicamus implacabile bellum Carni, &

San-

g: ~~II~~  
 Bic  
 opere  
 Tom  
 Ne  
 5 2

Sanguini, Mundo & pompis ejus, diabolo & desiderijs ejus.

Utinam crucem Domini amplectamur, & portemus post JESUM, unicam gloriam reputantes, configi cruci ejus, & stigmata ejus in corpore & anima portare.

Utinam, denique, moriatur in nobis omne quod inimicum est Deo, ejusque repugnans voluntati. Et fiat *vita nostra abscondita cum Christo in Deo, ut cum ille apparuerit vita nostra, tunc & nos appareamus cum ipso in Gloria.*

## MODUS C.

**C**entesimus meditandi Passionem Domini nostri Modus esse potest: recogitando quomodo Dominus noster in sua Passione atque Morte, tam per Malitiam odiumque Inimicorum suorum; quam per Charitatem suam erga Patris Æterni honorem, & erga nostram salutem, annihilatus, exinanitus, mortuusque est totus. Liber hoc declarare aliquatenus in gratiam pii meditatoris.

Quod ergo attinet ad Inimicorum Christi erga ipsum Malitiam atque Odium: Manifestum est consideranti studia eorum, hanc fuisse primariam & plenariam ejus proprietatem, efficere, ut Christus neque Deus, neque Homo, neque quidquam aliud esset, sed ut nullo modo in rerum natura existeret; ut annihilaretur, seu in nihilum omnino redigeretur. Quod & effectum omnino facto ipso, quantum quidem in ipsis erat.

Ad quod plenius considerandum; Videamus

mus